



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

III. Secundum argumentum.

urn:nbn:de:hbz:466:1-16260

dubium tamen à nonnullis vocatus est. Thalmudista Ezechiae, ipsiusque familiaribus *Cantici Can-*
adscribunt, ut est in Baba bathra: quorum auctoritatem secutum conjicio R. Mosem *ticorum. Va-*
Kimchi, aliosque, qui ab Isaia Propheta ex *Canticis Salomonis* excerptum illud fuis-
se suspiciati sunt, ut pote qui inter Ezechiae familiares censer possit. At Rabbini re-
centioris à Salomone scriptum esse statuunt, cum juvenili floraret ætate; quæ
ætas amoribus magis dedita est; uti Proverbia cum grandior esset natu, Ecclesiasten
cum jam confenuisset, sicut à me paulo superius dictum est. Titulus quidem operis,
yehonim &
cum in Ebraico exemplari, tum in Septuaginta Senum interpretatione, Salomonem *antiquitas.*
auctorem indicat. Loquens inducitur Salomon cum Sulamitide, Sponsus cum Sponfa:
quæ à Salomonis nomine Sulamitis nomen habet. Salomonem ipsum hæc scripsisse
facile creditur, quem carminum, non quinque millia, ut scribunt Irenaeus, & Synopeos
Auctor, & Hieronymus, & ut habent quædam Vulgata Interpretationis editiones, sed
quinque supra mille composuisse docent libri Regum; & quem *in cantilenis*, & *prover-*
bis, & *comparationibus*, & *interpretationibus miratas esse terras* Sirachides tradit. Reliquis
autem absuntis, vel in Hierosolymitana clade & Babylonico exilio, vel aliis quibus-
cunque temporibus, hoc ab interitu servatum fuit; five singulari Dei nutu, quod
hoc egregio drame suis erga Israëlitican gentem, vel erga humanam animam, vel
Christi erga Ecclesiam amor exprimeretur; five propter eximiam operis elegantiam,
quæ talis est, nihil ut in eo genere simile Theocritus, aut Catullus elaborarint. Nam
si quasdam similitudines ac translationes excipias paulo audaciores, ut est usus gen-
tium illarum, consuetudini nostræ minus congruens, tot porro veneres, tot leporis,
motus tam molles ac *adœnante*, tam exprefſas, tam decoras imagines rerum, tam
aptam & convenientem colloquentibus perfonis Sponsi ac Sponsa, & juvenum ac vir-
ginum choris orationem invenies, ut merito ab Ebrais nobilissimum & eximum
Canticum, & *Canticorum Canticum* appellatur. Quamobrem prudenter ab illis fa-
ctum reor, cum viris solum jam avo maturis Libelli hujus lectionem permiserunt; ne
in lasciviam prona sponte sua adolescentium ætas, ad arcanos sensus minime pene-
trans, his illecebris ad amoris delicias invitaretur. Partim autem ex hac cauſa, par-
tim ex operis brevitate evenisse puto, ut in sequentium ætatum Scriptoribus facis
vix ulla operis hujus vestigia apparent: sed ex iis quæ diximus fatis perficitur ipsius
antiquitas, & ex eo præterea quod in priscum Canonem receptum est, & quod in
interpretatione sua cum reliquis Voluminibus sanctis id complexi sunt Senes Septua-
ginta. Atque id ad instituti operis rationem fatis superque est.

II. Ceterum ita offendit nonnullos amatorium hoc scriptoris genus, secretiora
nuptiarum arcana, lenesque amantium sub noctem fusuros aperte revelans, ut à Deo
auctore profectum, & divino afflato conscriptum plane negarent. Fuerunt in ea sen-
tentia prisci quidam Hæretici, quos Theodoretus & Philaltrius commemorant; fue-
runt deinde & Anabaptistæ, nec ab ea recessit Caſtali. Verum ut Christianos Inter-
pretes præteram, qui latentia illic mysteria pie & sagaciter fuerunt scrutati, ita de
eo sensit Rabbinorum omnium doctissimus & sapientissimus Moses ben Maimon, &
Mose hoc antiquior Chaldæus Paraphrastes, ut amatorii illius *œcclœs* specie, Dei
erga dilectum fibi ac fidem populum amorem significari affirmarint. Ig̃itū Ebrei
Philosophiam Ethicis, *Physicis*, ac *Theologicis disciplinis* contineri sciscunt: quas cum
posterior Salomon tradere veller, multis exposuſis libris, quorum plerique diurnitate
perierunt; ac *Ethica quidem*, libris Proverbiorum & Ecclesiastis, aliisque per Parabolas
digestis; *Physica vero*, libris ad historiam plantarum & animalium pertinentibus;
Theologica denique Canticorum. Id ipſis videtur persuasibile tertius liber Re-
gum, quo inter lucubrationes Salomonis *שְׁלֵמָה*, & *Disputationes de rebus*
physicis commemorantur. Persuasit fortasse & ipſe Salomon, cum in libro Proverbio-
rum sapientiam se *descripsisse* tripliciter ait. At Christiani Interpretes Canticum Canticorum
ad Theologiam uno consensus referentes, & Proverbiorum librum ad Ethicen;
Ecclesiasten ad Physicen pertinere volunt. Multa in id argumentum differit Origenes,
& Logiken præterea, quæ cum reliquis conserta, connexaque est, à Salomone quoque
libris iſdem traditam fuisse demonstrat: atque hinc Græcos Philosophos doctrinam
suam quatuor in partes discripsiſe; laudem inde ac gloriam, sic tanquam ex proprio
invento, quærentes, quæ Salomon inventori tota debebatur. Hunc locum tranſtule-
runt Theodoretus & Hieronymus.

III. Quamvis autem Dei nomen in hoc Canto nusquam extet, quod cauſan-
tur aliqui, sub Sponsi tamen persona latere Deum ipsum dicimus; atque hic Salomo-
nis nomen, Pacifici nimurum, & amato fibi populo pacem optantis & conciliantis,
usuppare: nec magis Libri hujus auctoritati officere id posse, quam libro Esther, qua-
lem habent Ebrei, in quo eti nullus de Deo mentio est, opus tamen sancti Spiritus
esse creditur.